

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06, 13/11 i 15/17), a u vezi sa Zaključkom broj: 02/1-33-4331/21 od 09.03.2021. godine, Vlada Tuzlanskog kantona na sjednici održanoj dana 17.12.2021. godine, d o n o s i

Z A K L J U Č A K

Usvaja se Naredba Kriznog štaba Ministarstva zdravstva Tuzlanskog kantona predložena na sjednici održanoj dana 15.12.2021. godine, kako slijedi:

1. Dopusšteno je okupljanje ljudi na određenom prostoru pod sljedećim uvjetima:
 - ne više od 50 ljudi u zatvorenom prostoru
 - ne više od 100 ljudi na otvorenom prostoru.Sva okupljanja unutar navedenih ograničenja moraju se odvijati u prostoru koji omogućava obavezni fizičku distancu od najmanje 2 metra između osoba.
2. U skladu sa Naredbom Kriznog štaba Ministarstva zdravstva F BiH dozvoljava se organiziranje i većih okupljanja pod uvjetom da veličina prostora omogućava provedbu higijensko-epidemioloških mjera.
Uvjet je da svi sudionici skupa imaju:
 - negativan antigenski ili PCR test, ne stariji od 48 sati, izdan od registrovane ustanove ili laboratorije, ili
 - potvrdu o prebolovanom COVID-19 ne stariju od 6 mjeseci ili
 - potvrdu o završenom cijepljenju.Za provođenje epidemioloških mjera i organizaciju skupa je odgovoran organizator skupa. Organizator skupa iz ove tačke dužan je prethodno pribaviti saglasnost od Kriznog štaba ministarstva zdravstva.
3. Dozvoljava se radno vrijeme za sve ugostiteljske i druge objekte i nakon 23 h. Nakon 20.00 sati isti su dužni obezbijediti da svi gosti u objektu moraju posjedovati jedno od sljedećeg:
 - negativan antigenski ili PCR test ne stariji od 48 sati, izdan od registrovane ustanove ili laboratorije ili
 - potvrdu o prebolovanom Covid-19, ne stariju od 6 mjeseci ili
 - potvrdu o završenom cijepljenju.U periodu do 20.00 h objekti su dužni da se pridržavaju odredbi tačke 1. Naredbe. Neophodno je da navedeni uslovi ulaska i boravka u objektima, budu istaknuti na vidno mjesto na ulazu u objekat.
4. Za nadzor nad provođenjem tačke 3. zadužuje se Uprava policije Tuzlanskog kantona.

5. Krizni štab Ministarstva zdravstva Tuzlanskog kantona preporučuje svim gradovima/općinama, privrednim i drugim subjektima, te fizičkim licima da organizaciju proslave novogodišnjih praznika prilagode trenutno važećim naredbama i preporukama.
6. U veletrgovinama i supermarketima se ograničava broj kupaca prema sljedećim kriterijima:
 - definiše se prostor od 10m² prodajnog objekta po potrošaču
 - bez obzira na veličinu prostora prodajnog objekta, nije dozvoljen boravak više od 400 potrošača.
7. Od svih poslovnih subjekata, koji tokom realizacije svojih aktivnosti podrazumjevaju istovremeni boravak većeg broja osoba u zatvorenom prostoru (tržni centri, trgovine, kina, prostorije javnih institucija, restorani, drugi ugostiteljski objekti, itd.) traži se prisustvo Covid redara na ulazu u objekte, koji bi vršili kontrolu sprovođenja važećih naredbi i preporuka.
8. Od Kantonalne uprave za inspekcijske poslove Tuzlanskog kantona, nadležnih gradskih/općinskih inspekcija i Uprave policije Tuzlanskog kantona traži se da, u skladu sa svojim nadležnostima, vrše pojačan nadzor u smislu kontrole poštovanja važećih epidemioloških mjera i donesenih naredbi.
9. Traži se od Ministarstva obrazovanja da, ukoliko dođe do pogoršanja epidemiološke situacije u pojedinim školama, fakultetima ili drugim visokoškolskim ustanovama, u saradnji sa direktorom škole, dekanom ili direktorom visokoškolske ustanove, na osnovu zajedničke procjene, a u suradnji sa nadležnom higijensko- epidemiološkom službom, donese odluku o vraćanju na online model nastave u nekom odjeljenju, razredu, ili kompletnoj školi, fakultetu ili drugoj visokoškolskoj ustanovi.
10. Zabranjuje se organizacija svih vrsta izleta i ekskurzija u školama i fakultetima.
11. Zabranjuje se prisustvo roditelja/staratelja unutar svih predškolskih ustanova na području kantona. Obavezna je trijaža djece pri ulazu u iste u smislu postojanja simptoma oboljenja.
12. Traži se od JZU UKC Tuzla da nastavi pružanje specijalističko-konsultativnih usluga u obimu koji dozvoljava trenutna higijensko-epidemiološka situacija.
13. Izvođenje hladnog operativnog programa u općoj anesteziji u svim javnim i privatnim zdravstvenim ustanovama bolničkog nivoa na području Tuzlanskog kantona se dozvoljava u obimu koji dozvoljava trenutna higijensko-epidemiološka situacija.
14. Traži se od službi svih domova zdravlja na području TK da racionaliziraju upućivanje pacijenata na konsultativno- specijalističke preglede u JZU UKC Tuzla.
15. Usvajaju se naredbe i preporuke Kriznog štaba Federalnog ministarstva zdravstva koje će biti na snazi u periodu važenja ove Naredbe, osim onih odredbi koje su obuhvaćene ovom Naredbom, te važe za područje Tuzlanskog kantona.

16. Ova Naredba se primjenjuje od 18.12.2021. godine, a važi do 12.01.2022. godine, osim u slučaju značajnog pogoršanja higijensko- epidemiološke situacije na području kantona ili u slučaju donošenja drugačijih naredbi od strane Kriznog štaba Federalnog Ministarstva zdravstva
17. Zadužuje se Ministarstvo zdravstva da ovaj Zaključak dostavi na uvid i dalje postupanje svim dole navedenim organima i institucijama.

DOSTAVITI:

- 1 x Gradovi/Općine na području TK
- 1 x KUIP TK
- 1 x MUP TK
- 1 x Uprava policije TK
- 1 x JZU/PZU na području TK – sve
- 1 x Svim ministarstvima
- 1 x ZZO TK i ZZJZ TK
- 1 x Pedagoškom zavodu
- 1 x Svim obrazovnim ustanovama-Putem Ministarstva obrazovanja i nauke
- 1 x Sredstvima informisanja
- 1 x a/a



PREMIJER KANTONA

Kadrija Hodžić